



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

Virgines nuptui traditæ, quæ ut corporis integritatem custodirent, viris
continentiam persuaserunt. n. 79.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

C. scripsit
27 93.
Ex Hieron.

Gratianus C. scripsit 27. q. 2. ad hoc quod tractamus, confirmandum affert ex Hieronymo (ut ipse ait) exemplum Macarii Romani, cui invito patens uxor em desponsavit; Is thalamo adornato, ac sponsa sedente plurimis ad diem nuptiarum invitatis cum omnes jocis, ac saltationibus vacarent, furtim egressus duce Angelo Raphael in specie viri venerabilis, iter suscepit; & post multa ad solitudinē tandē, quę 20 miliaribus à Paradiso terrestri distare dicitur, pervenit, ubi inventus est à tribus monachis Theophilo, Sergio, & Thimo, qui ex Mesopotamia eò pervennerunt; quę historia fuse extat in libro, qui *Vita Patrum* interitur part. 1. Nobis propter Gratianum, qui eam innotuit, satis sit eam breviter perstrinxisse.

Vita Patrum.

Desiderius
qui & Victor III.

Desiderius, in sæculo dictus Dauserius ex nobilissimo Beneventanorum Principum sanguine originem duccens, parentibus unicus; Is à patre polleritatis cupido puellæ æquę nobili in ipso ætatis flore despondetur. Verum patre ex hac luce subtrahito ipsam intactam relinquens, multis consanguineorum, præsertim matris suæ difficultatibus superatis, tandem monachus efficitur. Deinde Abbas Cassinensis, postea Cardinalis, ac demum in demortui Gregorii VII. locum Pontifex, ipso diu pertinaciter reluctante, est creatus, & Victor III. dictus, ac non absque magna sanctitatis opinione ex hac vita migravit 16 Calend. Octob. anno Domini, 1087. hæc Leo Ostiensis, ejus in eadem religione discipulis in Chiron. Cassin. lib. 3. c. 1. & sequent.

VIRGINES NYPTVI TRADITAE,
quæ ut corporis integritatem custodirent, viris continentiam
persuaserunt.

Ad tertiam verò classem referri possunt complures Virgines, quæ à suis parentibus, vel aliis contra earum voluntatem nuptui traditæ, viris persuaserunt, ut in conjugio castitatem amplecterentur, sicq; ipsæ virginitate nã ab omni voluptatis illecebri puram Christo exhibuerunt.

S. Cecilia
Virgo &
Mart.
Valerianus

Talis fuit S. Cecilia virgo, & martyri præclarissima, quæ Valerianum conjugem suum, non tantum ad continentiam; verum etiam ad Christi fidem, una cum fratre ejus Tibur-

tio perduxit, qui tandem pro Christo mortem fortiter oppetierunt.

M. Tibur-

Sylviana uxor fuerat fratris Ruffini præfæti, quæ tamen in matrimonio virginitatem servavit, teste Palladio in hist. Lausiaca cap. 143. ubi hanc Virginem sexagenariam se cognovisse scribit.

virgo.

Sylviana

Ex Pallad.

Mulier quædam nomine Magna Ancyræ insignis probitatis, invita ex matre nuptui tradita corporis morbum, prætexens à viri corruptione intacta permansit; marito verò paulò post decedente hæres omnium facta, totam se Deo obtulit, suisquę bonis monasteria, Xenodochia, atque egenos juvare non desinebat, ex Palladio in Laus. cap. 125.

Magna

uirgo

Olympias, de qua in Martyrol. die 7. Decembr. Amisij II. Comitiss filia, neptis Ablaxii Præfæti, Nebridio Præfæto desponsata cum quo ex Nicephoro lib. 13. c. 24. viginti menses vixit, nec tamen cum eò est copulata, quare virgo simul, & vidua remansit, jejuniis, & pijs operibus addicta, opes omnes in Ecclesias, & egenos per diversa loca largiebatur, de qua Palladius in Lausiaca ca. 144. Hæc Theodosio Imperatori suadenti, ut ad secunda vota transfret, resistit, huic uni S. Joannes Chryostomus in exilium discessurus valedixit, ejusq; precibus se commendavit, ex Nicephoro lib. 13. c. 20. quæ multa est passa ea occasione.

Olympias

uirgo.

Mar. Rom.

Nicephor.

Pulcheria Augusta Arcadij Imperatoris filia, & Theodosij Junioris soror virginitatem, quam ab ineunte ætate Deo voverat, perpetuò illibatam servavit; & quamvis defuncto Juniore Theodosio ad Imperij gubernacula, quæ susceperat melius administrandæ Marcianum sibi in conjugem sponte aseverit; prius tamen pactum cum eo inuit, ut illætam virginitatem servaret, hujus opera tempore Theodosij Concilium Ephesinum, in quo damnata est impietas Nestori, & tempore Marciani Concilium Chalcedonense contra hæresim Eutychetis sunt congregata. Quare à Sancto Leone Papa, & S. Cyrillo Alexandrino miris laudibus effertur, & in Concilio Chalcedo nensi: *Nova Helena, Munimã Orthodoxorum, & Gloria Ecclesiarum*, à cunctis Patribus est acclamata, obiit anno salut. 453. ejus nomen celebre est in Martyrol. 10. Decemb.

Concilium

Ephesinũ.

Concilium

Chalced.

S. Leo.

Cyrillus

Alexandr.

80 Maxima Virgo Christiana in Africa tempore Vandalicæ persecutionis, cujusdam Vandali Arriani, qui dignitate erat mil-

Est ff 2

lenari.

Martianum mart.

lenarius, serva universæ domus curam gerebat. Hæc in uxore Martiniano ipsius conseruato, ab eorum Domino esse tradita, ut hac ratione eos sibi fideles redderet, erat autem Martinianus armifactor, & Domino suo carus: in cubiculo ergo Maxima se Christum habere sponsum, nec posse humanum subire conjugium Martiniano aperuit, eiq; consilium dedit, ut Christo, cui ipsa nubere cupiebat, & ipse seruiret, divina verò gratia factum est, ut adolefcentis Martinianus ei obediret, & simul ad Christum converteretur: quin etiam eius opera Saturianus suus frater cum duobus alijs fratribus Christi fidem, & baptisma susceperant, quæ ubi Barbarus Dominus comperit, Geiserici Vandalorum Regis Arriani decreto, quatuor fratres Arrianorum hæresim detestantes, & in fide Catholica constantissimos, primum nodosis fustibus sæuissimè cædi, & usq; ad ossa laniari fecit, ita ut dissipatis carnibus, viscera nudarentur, & sequenti die nihilominus semper incolumes redderentur; exilio tandem apud quendam Regem Maurorum gentilem nomine Capsur relegantur, in parte Eremiti, quæ dicitur Caprapicti, ubi cum multos Barbarorum ad fidem Christi convertissent, & à Romano Pontifice Presbyterum aliosque ministros, qui eos baptizarent obtinissent, novissimè iussu Geiserici iunctis pedibus post terga currentium quadrigarum, inter spinosa loca sylvarum, ita sunt deligati, ut exitum suum invicem perviderent. Maxima verò post multos superatos agones divinitus liberata, in monasterio multarum Virginum mater sancto sine quieuit. hæc ex Martyrolog. die 16 Octobr. fufius apud Victorium V. vicentem lib. 1. persecutionis Vandalicæ, quæ Maximam sibi notam fuisse testatur.

A tormentorum plagis divinitus sanantur.

Idem martyrio lauveantur.

Mar. Rom. Victor V. vicentis.

Catharina virgo filia S. Brigittæ cum Eghardo eius sponso

S. Catharina S. Brigittæ ex stirpe Regum Suetiæ, cujus cælestes revelationes in hoc opere sæpè citavimus, filia, nobili Eghardo nupta, sponsum ad castitatis votum Deo nuncupandum permovit; ipsa verò virginitatem Deo consecravit, multisque virtutibus illustris migravit ad Dominum die 22. Mart. anni 13. 81. de cujus egregia in Virginem pietate egimus cap. 36.

CONIUGES, QUI ALIQUA SUSCEPTA PROLE PARI INTER SE VOLUNTATE CONTINENTIAM COLUERE.

QUARTA conjugum classis in hac sectione exiis constat, qui quod conjugii inter se usum aliquandiu habuerint, ad virginittatis præmia non pervenere; attamen non contenti fructu callitatis trigesimo, qui conjugali continentia debetur, quæ præter conjugem, noverunt neminem; ad continentiam etiam cum conjugè aspirarunt, quod egregiè commendat S. Augustinus lib. 1. de serm. Dom. c. 25. *Beatiorem, inquit, conjugia iudicanda sunt, quæ sive filii procreati, sive etiam ista terrena prole contempta, continentiam inter se pari consensu servare poterint, quod neq; contra illud præceptum sit, quo Dominus dimittit conjugem vetat; & illud servatur, quod ait Apostolus: Reliquum est, ut qui habent uxores tanquam non habentes sint.* hæc Augustinus.

Conjugum continentiam servantes cōmendantur.

Matth. 5. 1 Cor. 7.

Quare hic recensendi sunt, & ii conjuges, qui post aliquod tempus in conjugio suscipiendæ proli impensum, reliquam vitæ pari consensu perpetuæ continentia dicantur.

Hilarius Pictavorum Episcopus Catholicæ veritatis contra Arrianos defensor acerrimus, conjugem primum habuit, ex qua filiam suscepit: in ipso tamen laici habitu ea sanctitate vixit, ut monasticam vitam ducere videretur, tandem uxore cum filia, quam ad virginittatis propositum induxit, relicta, clericus primum, mox Episcopus factus, strenuè pro fide Catholica verbo, & scriptis decertans, multa passus, sanctè ex hac luce decessit.

Paulinus, postea Episcopus Nolanus, cuius præclaras laudes Sancti Ambrosius, Hieronymus, Augustinus, Gregorius scriptis suis celebrant, cum conjugè sua Thorasia continentia votum suscepit cui Augustinus epist. 22. gratulatur ei conjugem ei spiritualibus tantò firmiteribus quanto castioribus nexibus copulatam.

Melania Junior Romana nobilissima, & Pinnianus ejus vir, auctore Palladio in historia Lausiaca c. 104. duobus liberis genitis, iisq; extinctis ex Urbe Jerusalemam profecti illa inter fæminas Deo sacras, hic inter monachos religiosam vitam exegerunt, & ambo sancto sine quieverunt, quorum memoria in Martyrologio ad 31. diem Decbris adnotatur.

Antigo-